

Opće državne olakšice za investicije:

- **Vanjskotrgovinsko komora** Bosne i Hercegovine je servis privrede ove zemlje, kao zastupnika interesa svojih članica u zemlji i inostranstvu. Svoje usluge i aktivnosti je uskladila sa iskazanim interesima i potrebama privrednika i zahtjevima tržišta. Komora pruža usluge osiguranja poslovnih informacija, zastupanja interesa članica pred nadležnim državnim organima putem asocijativnog udruživanja članica, organizacije promocija i prezentacija, pružanja savjetodavnih usluga, izdavanje dokumenata, arbitraže, predstavljanje bh. privrede u zemlji i inostranstvu.

- **BHEPA-e je Agencija za promociju izvoza Bosne i Hercegovine** djeluje u okviru Vanjskotrgovinske/ Spoljnotrgovinske komore Bosne i Hercegovine, a osnovana je u martu 2008. godine s ciljem jačanja kapaciteta naše zemlje na polju promocije izvoza. BHEPA je posvećena pružanju pomoći svim BiH kompanijama u nastojanju da razviju i prošire izvozna tržišta promoviranjem proizvoda i mogućnosti zemlje na međunarodnoj razini. Jako važan je doprinos ove agencije u domenu usluge traženja poslovnih partnera u inostranstvu imaju za cilj da malim i srednjim preduzećima sa prostora koje pokriva Evropska preduzetnička mreža (Enterprise Europe Network) olakšaju pronalazak odgovarajućeg poslovnog partnera bez obzira da li se radi o saradnji u vidu posredništva u trgovini, distribuciji, marketingu, franšizi, zajedničkom ulaganju, proizvodnji ili podugovaranju.

- **Euro info korespondentni centar Bosne i Hercegovine (EICC BiH)**, djeluje u okviru Vanjskotrgovinske komore BiH, na raspolaganju ima alat za pretraživanje baze podataka poslovne saradnje u koju se unose sve ponude poslovne saradnje iz svih partnerskih organizacija Mreže koja broji preko 600 organizacija u 51 zemlji, među kojima su sve zemlje Evropske unije.

- FIPA-Agencija za unapređenje stranih investicija u BiH

Važno je da se istakne otvorenost institucija naše zemlje prema stranim investitorima čemu izravno svjedoči i doprinosi instaliranje i produktivan rad FIPA-e. To je agencija za unapređenje stranih investicija Bosne i Hercegovine koju je osnovalo Vijeće ministara Bosne i Hercegovine, a čija je osnovna zadaća:

- Privlačenje i povećanje priliva stranih investicija u Bosnu i Hercegovinu i poticanje postojećih investitora u zemlji na dalja ulaganja i širenje poslovanja,
- Poboljšanje saradnje između privatnog i javnog sektora, predlaganje mjera za unapređenje okruženja za investiranje, a s time i ekonomskog razvoja,
- Predstavljanje Bosne i Hercegovine kao zemlje poželjne za strane investitore.

Bosna i Hercegovina je ovlastila Agenciju za unapređenje stranih investicija da pruži podršku direktnim stranim investicijama i da olakša priliv stranih ulaganja u našoj zemlji. Agencija saraduje s institucijama vlasti i investitorima, te pomaže nadležnim vlastima da poboljšaju zakonski okvir za strana ulaganja. FIPA također pomaže investitorima da uspostave kontakte s javnim i privatnim sektorima BiH.

Osim toga, FIPA usko saraduje i sa ambasadama i diplomatskim predstavništvima Bosne i Hercegovine, koji takođe mogu pomoći investitorima da istraže mogućnosti ulaganja u našoj zemlji. FIPA pruža informacije, analize i savjete potencijalnim investitorima o poslovnom i investicijskom okruženju, uključujući:

- zakonodavstvo koje se odnosi na direktna strana ulaganja
- podsticaje koji se odnose na ulaganja
- ekonomska i poslovna kretanja u zemlji

FIPA identifikira i predstavlja postojeće bh. mogućnosti za strana ulaganja koja se odnose na investicijske projekte u fazi razvoja ili projekte koji su već spremni za realizaciju, preduzeća u procesu privatizacije, domaće firme koje traže stranog poslovnog partnera i sl.

Izvori:

1. Vanjskotrgovinsko komora Bosne i Hercegovine- <http://komorabih.ba/>
2. BHEPA-e, Agencija za promociju izvoza Bosne i Hercegovine - <http://komorabih.ba/bhepa/o-nama/>
3. Euro info korespondentni centar Bosne i Hercegovine - <http://komorabih.ba/een/poslovna-podrska/eicc-dokumentacijski-centar/>
4. FIPA-Agencija za unapređenje stranih investicija u BiH- http://www.fipa.gov.ba/Default.aspx?langTag=bs-BA&template_id=123&pageIndex=1